

樂天却病詩


師友觀
卷十一

天養館出版

上海图书馆藏书



A541 212 0001 2054B



願 留 養 門 王 賢
 匪 終 之 人 尚 君

非有
 齋藏



樂天却病詩目錄

天養館叢書甲部之五

下邳劉仁航靈華吟

師友觀卷十一 共五十一首

伐木章思良友也

咏羊角哀左伯桃尹文叔詹及革子之友誼并注

讀宋史卓行傳劉庭式 徐積 巢谷

報師恩

聽講起信論呈桂伯華師

師友觀卷十一 目錄



族長吉菴公

贈五嶽歸客張景齋兄

又

贈趙次隴

記太原縣古唐模範村同樂會

贈柯定礎

贈龍積之

關中焦易堂

贈胡春林

憶江易園

贈高雉梁

送別佛弟子烏福元歸蒙古辦新村

居晉四年留別諸友

贈別晉祠古唐模範村及太原村友

偕家人與喬義生及李貫中女醫士遊京公園春花盛開

夢鈕惕生并呈穉暉南湖

贈廉南湖居士

宿虎跑泉與馬一浮諸居士談

篋中檢得蔣彥騫由日本寄詩

贈沈潤身

贈王鶴軒張一菴

贈儲皖峯

相逢行贈楊天育

十五年返滬樂天修養館并贈劉士木

贈劉韻裳及索非

爲金君秉忱書得鄴中魏侯碑事

贈吳孝侯

題張相文佛學地理志

贈周仲穆

約錄史梅卿女士墓志銘

戲贈呂博文

阮母八十壽

書楊啟祺母蘇太夫人事

贈坤母李雲俠，并乞張師爲誦以却病

喜妹婿阮明病愈

記阮與妹勁梅在皖營廣果園，約遊九華訪李白青山墓跡六首

王生尙賢聞余將南歸

憶張宗載二首

送劉仁宣代表余赴日本東亞佛教大會

送甯達蘊回蜀

贈吳化霖，兼憶新羣進化社及坤化同志

贈張明慈

水龍吟題比翼集

寄臥雲女居士

過石莊，買曹州木瓜數斤留贈朋友

理想哲人社會

樂天却病詩

天養館叢書甲部之五

下邳劉仁航靈華吟

師友觀卷十一

伐木章

思良友也

水源木有本。人生重報恩。慈親生我體。良師啓我魂。父母難長依。良師難久存。惟有道義友。手足共晨昏。妻子納稅處。佛語入室多煩冤。緣因形體合。難以精神論。智人鳥出籠。愚者羝觸藩。所以佛與耶。舍家結蘭芬。出世研靈性。入世校典墳。作事期生死。緩急解難紛。淡泊歡有餘。嚶鳴

樂同羣。離合兩自在。悠然若浮雲。我自讀仁學。深悟友道殷。復感蘇克書。益友敬多聞。中年漸厭家。雅慕耦耕耘。曠懷賢哲侶。郢匠運風斤。晨鷄何膠膠。呦鹿亦欣欣。三復伐木章。停雲遙思君。

咏羊角哀左伯桃尹文叔詹及革子之友誼

古來生死友。羊角哀左伯桃。同行赴楚國。太行風雪遭。衣糧難俱活。俠士相對號。左願讓衣死。羊輕命如毛。左乃誕羊出。『采薪暖吾曹。』比羊歸來時。左死餘縕袍。痛哭埋死友。到楚登俊髦。楚王感其義。雙獎慰賢勞。角哀殉死友。救鬼赴陰曹。尹文及叔詹。死讓革子逃。解衣覆門徒。戎夷國士豪。至今人嘖嘖。友情日月高。俠魂永不死。咏歌響雲璈。呂氏春秋

戎夷遠齊如魯。天大寒而後門。與弟子一人。宿于郭外。寒甚。謂弟子曰。子與我衣我活也。我與子衣子活也。我國士也。爲天下惜死。弟子不肯。遂解衣與弟子。夜半

而死、弟子遂活、戎夷其能必定一世、則未之識、若欲利人之心不可以加矣、

列士傳、羊角哀左伯桃二人相與爲死友、欲仕于楚、道遙山阻、遇雨雪不得行、飢寒度不能俱生、伯桃謂角哀曰、併在一入可得生宦、俱死之後、骸骨莫收、內手捫心、知不如子、生恐無益、而棄子之能、入樹中而死、角哀得衣糧至楚、平王嘉伯桃之義、以公卿禮葬之、角哀夢伯桃曰、苦荆將軍塚相近、連戰不勝、得子則勝、角哀至期自殺下而從之、君子曰、執義可爲世規、

琴操背、思革子、尹文子、叔儻子相友、聞楚成王賢、俱往見之、至巖間、卒遇風雨、共伏空柳下、衣寒糧乏、自度不能俱活、以革子爲賢、乃共衣糧與之、二子遂死、革子見楚王、王知其賢、陳酒而樂之、革子操琴、作別散之音、楚王賜百金以葬二子、

讀宋史卓行傳

劉庭式娶盲妻。抱一成飛仙。劉成進士未婚妻田女盲劉娶之生二子妻死劉學道徐積赴京舉。徒載

母俱前。巢谷友。韓存寶。冒死送遺錢。二蘇轍貴盛日。朝野沮天淵。一旦

嶺海滴。步訪萬里穿。不幸遇寇盜。壽殞七旬年。懿哉卓行侶。風義薄雲

天。乃足言合羣。頌歌被管絃。

附注 巢谷。眉山人。舉進士而多力。與韓存寶善。及存寶罪必死。謂

谷曰。我武夫。死非惜。顧妻子不免寒餓。囊中有銀數百兩。非君莫可使遺之者。谷許諾。即變名姓。懷銀步往授其子。存寶死。逃避江淮。遇赦乃出。蘇軾與同鄉幼相識。軾轍在朝。未嘗一來相見。及軾轍滴嶺海。平生親舊。無復相聞。谷獨自眉山徒步訪兩蘇。人笑其狂。竟萬里步行至梅州。遺轍書曰。不旬日必見。死無恨矣。轍驚喜曰。此非今世人。古之人也。既見握手相泣。時谷年七十三。瘦瘠多病。將復見軾于海南。轍愍而止之曰。君意則善。然自循至儋數千里。復渡海。非老人事也。閱其橐。無數千錢。止之不可。舟行有蠻竊其橐。裝以逃。谷遂病

死新州。轍聞，哭之失聲。恨不用已言而致死。又奇其不用已言而行其志也。

報師恩

父母恩無盡。師恩亦無窮。親賦我肉體。師啓我慧聰。肉身無靈慧。行尸一倮蟲。所以師恩重。力能奪化工。度我人天劫。超然登「大雄」。佛受父王拜。亦守孝東宮。世出世間法。此義乃至公。愧我聞道晚。無緣早相逢。階字曉鐘住北京法源寺師授五戒。接引發我蒙。徽軍、住海潮寺師授大戒。菩薩戒是入世法乃應三次夢而受之。禪機逗頓空。諦波冠宗寺師燒十願。欲就普賢功。藏、在揚州說法華師拄杖吼。兩耳三日聾。我志在轉輪。「佛法」化「大同」。斷殺遊俱樂。淨土東西通。精進報師恩。報恩願無窮。

聽講起信論呈桂伯華師

江西人，在日本聽講，由桂師乃深入佛也，原詩甚長，年久不復全憶矣。

夙稟烟霞契。今結蓬萊緣。流雲歸大海。孤月曜中天。龍螭絕怒吼。游戲青白蓮。夜摩普光明。往來盡飛仙。寒潭靜不波。爐火純無烟。游于物之初。乃得返自然。時機毋坐逝。雄願莫虛懸。誓洒甘露水。一洗血山川。辭師報恩去。相期明月圓。

族長吉菴公

余少失怙，受闕師昭侯、黃師星海之訓，而朝夕十年同居，得讀藏書爲學者，乃吉菴公也，公名佑之，爲清諸生，其女劍

秋，現畢業美國爲醫博士，其子畢業東南大學。

族長吉菴公。無名之英雄。父執兼師友。教養我成童。學書與學劍。資我遊海東。我少富奇想。賴公啓世聰。亦善治生計。子女振文風。相約創新村。至今未奏功。此願終不虛。決定致大同。願公隆福壽。三復俄託翁。信公

贈五嶽歸客張景齋兄（名肇崧合浦人，著有詩千首絕佳，未印）

張兄五嶽遊歸來。胸羅江山眼界開。一室數幅千萬里。一室中于四壁各懸一嶽圖中嶽居

中吐納元氣含風雷。燕市一見如三生。吟我烏詩相和鳴。行年六十習

未化。手抄拙著咄可驚。兄于我著人而不如烏乎及觀烏詩稿均詳抄一過，姑不論其阿好，六十以上之人，于教讀治家，百忙中有此勤

力真可驚嘆。大同學成第一卷。祝我萬歲天下平。該書于十五年，二月十五佛涅槃日出版，第一本訂成，兄先

讀之，并邀遊城南遊藝園。逢人說項劉新村。助我六月徙南溟。人生知己良非易。管

鮑父母論弟兄。兄昔年少才如海。藏詩千首遠世名。漢宋界破孔佛圓。

頗崇顏戴適人情。獨契坤化新村旨。抗懷黃農友淵明。鳥詩彈入薰風

譜。兄嘗以我詩入琴彈之。若聞九天接太清。試登岱頂望海日。潮捲霞光大道行。竟

償農山千年願。宴樂鼓瑟吹鳳笙。

又

秋天小別泛南洋。橘柚滿懷衣袖香。三晉歸來何所贈。雪峯靈境詩盈囊。

贈趙次龍

名戴文、山西十餘年政教之指導者、五臺人、號清涼山人、主講洗心社、欲實施孟子均田制于山西、

次龍今孟子。浩氣薄雲天。村治三王意。兵機六祖禪。洗心存古道。雅樂會羣賢。何日風雲定。清涼禮上仙。

記太原縣古唐模範村同樂會

閻督錫山、字伯川、五臺人、十一年秋七月、盛暑、初次下鄉、整理村範于古唐

村、每晚以次開普善會、同樂會、武術會等、佐以雅樂、座中囑余吟詩、率爾吟曰、

琴韻松間響。月輪天上明。何當千萬戶。同聽雅歌聲。

贈柯定礎 名璜、辦山西教育博物
館有年、任大學教授、

黃岩柯定礎。「俠」骨而「儒」行。慷慨急友義。周旋近人情。廿載弘
教學。交遊海內英。懷抱匡時略。願致天下平。才大無用處。乃以字畫名。
草書走龍蛇。或怪如山精。或妙如仙子。綽約戲瑤京。紙上風雲起。鋒尖
鬼神驚。揮毫且高吟。如叱霸王兵。『已有羲之鬼』廉南湖
評語 唐人不

爭。銅管三斤重。百聯一日程。筆架懸矛槊。「磨墨機」丁丁。進化邁前
古。助君王筆城。近年復作畫。潑墨一氣成。點畫皆懸腕。搏兔獅子力。咄
嗟四座上。花開鳥欲鳴。人工移造化。時行百物生。張癩與倪迂。君乃一
手并。同住逾三年。道誼如弟兄。我素觀空幻。大千一毛輕。君治博物學。
解剖悟人生。爪痕留地壳。滴水在滄瀛。惟值未死前。應伴草木榮。至今

三晉士家供定礎名。美藝亦教主。元神游太清。

贈龍積之

廣西學者、年六十餘矣、爲康先生營句容祖墓、地多名勝仙跡、邀余成大同村、言將來卽以我爲彼地神仙率而祠我云、余深感知己

之恩、謬愛至此、爲賦一詩

歷劫往還願未成。風塵席突作勞生。朱家老去仍奇志。李白當年自橫行。商訂經書鐵網密。妙觀性海月輪明。尸祝畏壘敢蛇足。振古真人去氏名。

關中焦易堂

關中焦易堂。好道能文章。語我雍梁勝。遙憶周漢唐。地多文明跡。形控中亞荒。思古鬯幽情。彼美望西方。愛研大同學。村治共參詳。引我入靜社。薰沐自然香。道友多苦行。數年不沾牀。或得天眼通。能見人肝腸。請

其觀我心。乃迥異尋常。『凡有十三竅。淨善美騰芒。云曾觀千人。都不足比量。膽不大不小。亦與心相當。』我自祈夢來。靜夜每發光。昨夜見普賢。牽來象鼻長。貽我文殊劍。深深腦後藏。五藏如水晶。吐出青蓮香。開遍世界花。熙熙遊上皇。

贈胡春林

字默青。含山人。欲與余辦亞洲大聯邦會、主亞美歐三洲三角自由平等大聯合、世界廢兵。

默青我良友。骨奇得氣清。學破漢宋壘。道通佛老行。慷慨救國難。『勞謙』永命名。命世天下任。抗懷三代英。堯舜伊周孔。君作有各家傳靈爽在牆羹。京華日談讌。通家如弟兄。羊城共被眠。維摩話三生。豪俠劍客膽。溫雅詩人情。千載一時遇。文化結同盟。『學村』造世界。亞美歐均平。祛殺興。『坤化』天河洗甲兵。此願何日償。相訪許飛瓊。眷顧江淮鄉。龍戰

正酣聲。努力各自去。跨海騎長鯨。

憶江易園

名謙、長音韻學、
晚入佛村主義

新安學派啓南通。三代淵源兩漢風。著有兩漢學風
重耕讀極可觀贈我聖賢仙佛字。太

行山上望江東。

贈高雉梁

晉孟人、名翔藻、
時任懷仁縣知事

誰道士非百里才。湯文姬呂此中來。雞豚狗彘覘王道。田宅桑麻須妙
才。千萬化身齊痛癢。古今世運仗弘開。琴堂若見周公面。乞與新村一
朶梅。

送別佛弟子烏福元歸蒙古辦新村

蒙古烏福元。佛徒老喇嘛。通漢滿藏文。雄辯利佛牙。聽講經旬月。惟一

「大」字嘉。那知一字緣。引登白牛車。從此通妙法。直還佛母家。相識逾七載。此別各天涯。佛雖出人間。殺劫尙如麻。人道未解決。功德安在耶？至今三千年。重開靈瑞花。東方造淨土。觀音新女媧。「新村」遍地球。仙棗大如瓜。「佛助」化「大同」。彼岸轉剎那。人人皆成佛。如來不出家。度己先度人。菩薩道無差。離魔外生死。諸佛共嘆嗟。蒙國佛爲母。根器地無瑕。上世皇道風。淳泊過吾華。託氏克氏學。人類證古遐。渾朴勇入道。梵唄奏胡笳。汝祖成吉思。Genghis Khan 武定三洲誇。現在西洋史。談虎「黃禍」譁。業力與善力。只爭一念差。茲值殘殺運。萬國鬪角蝸。勉造新「文元」。佛日恣龍拏。興大慈悲雲。報恩認娘爺。人無殺人者。殺戒方堪遮。我有「文殊劍」。贈爾照胡沙。一萬萬化一。繞

指如靈蛇。法王法自在。世出世無邪。去去莫遲疑。報恩速歸家。北俱樂洲草。待發菩提芽。轉來度震旦。脫去世界枷。我爲君加護。夢中散爾花。後會有佳期。懸鼓夕陽斜。觀經日落時狀如懸鼓

居晉四年留別諸友

甲子春

太原柳眼已垂青。別淚依依話短亭。千里雲山勞夢寐。三年水月印晶瑩。一天宿霧開征路。滿地新花列畫屏。若問南來飄海意。試登臺頂五山望明星。

贈別晉祠古唐模範村及太原村友

我幼家下邳。地近鄒魯疆。費嶧鄰滕鄰。艾雲在北窗。繞我家園田。沂泗流滄浪。長受報恩法。「佛道」聞扶桑。遂發救世願。佛化「大同莊」。

去殺伏貪嗔。欲人性如羊。老終壯有用。幼長疾有糧。耶言埃田園。佛說俱樂鄉。以此建新村。大地成天堂。弘化江海域。遐邇傳芬芳。

聞道唐風好。來參文殊場。喜探晉水源。帝堯王唐叔霸唐三唐。周柏藏古

寺。水藻魚洋洋。詩仙李太白。碧玉曾飛觴。寶塔生萬佛。塔名護世四金剛。

登瀛我乳名。匾掛古道旁。乾隆孫家淦書試登懸甕麓。汾晉浩湯湯。省北眺蘭

村。佳氣遙相望。晉友善啓請。講學移此方。洗心三四載。仙洞居朝陽。其

後晉省風。村本政治張。普興同樂會。萬億衆一堂。「公道愛羣」訓。受

旂村範忙。進山開會議。王道期小康。公田學校規。遙接姬孟芳。

歲月忽如流。征雁復南翔。一別古唐村。三載夢黃梁。電影曾見之。名勝

已渡洋。今來重歡喜。景物依舊裝。我昔此著書。大同一卷楊。新村觀鳥

集。林下作「詩王」。坤化社會學。「尙雌」柔道光。山棗與藕粉。養我身力强。家人與兒輩。來借女校牀。神戲會萬衆。歌舞韻琳瑯。此別何時來？後會殊茫茫。但願諸村友。愛助莫相妨。職業乃神聖。學農工與商。因果有報應。報恩留餘慶。山水鍾靈秀。修善定吉祥。北望崛巒塔。山頂參普光。南有青龍洞。道友薰善良。聖母大慈悲。士女代代強。科學興農工。公輸造飛航。有公輸祠村村福慧圓。世界大同昌。

臨別何所贈？留此一詩囊。敬告四海友。軍學與官方。古唐模範村。公道名遠揚。村中樹花草。保持聞妙香。昔佛作林鳥。報林恩不忘。風雲資呵護。梧桐來鳳凰。諸友念我時。靈夢月照廊。乞與柯先生。書碑傳久長。

偕家人與喬宜齋及李貫中女醫士遊公園，春花盛開

京華春三月。公園花如錦。李白桃緋紅。佳客宜會飲。行樂須及時。神經莫過敏。貴忙貧窘促。俗庸癡可閔。亦莫嘆無常。大悲天人憫。令人涕難仰。年月無一晒。誰能無窮愁。跼踖號寒蚓。最宜雅士女。嬉笑興不盡。太山毫末齊。歷劫等朝菌。不傾今朝歡。坐待衆芳殞。「人道只求樂。」海南自題大同書句斯言遍靈蠢。安得闢廣廈。中外同哇畛。共作春臺游。自然觀玄牝。

夢鈕鐵生并呈穉暉南湖

名永建又字惕生夢其身任十一團體事在一室中甚忙晨乃書此

惕生文武才。德業老更成。頻年相南北。愛我如弟兄。縱談脈望書。道術通政兵。贊我粗食猛。村治勉推行。試眺太平洋。殺劫尙縱橫。我挹耶愛血。靈洗佛月明。誓造亞聯邦。除暴墮堅城。夜來夢見君。十一公務榮。好

開大同運。上戈乃武英。穉暉南湖老。俠友共平生。書此相印證。天下致泰平。現余正著天下太平書

贈廉南湖居士

朱家當代俠。仲連神仙姿。好看季子劍。共咏青蓮詩。

宿虎跑泉與馬一浮諸居士談

三生本事共誰論。一夕同參不二門。試看平湖今夜月。圓明萬頃了無痕。

篋中檢得蔣彥騫由日本寄詩

彥騫蜀奇士。卓犖尙氣俠。郵來瀛海詩。超逸飛仙牒。遙憶蜀亂深。何處脫浩劫。月照峨眉秋。與君同化蝶。

贈沈潤身

時年十九

羨君奇才似子由。雍容嫺雅性和柔。英法諸文誦如流。旁通佛典詩思
簡。學研自然生機抽。廣徵進化論生優。將乘長風泛五洲。我願通婚歐
亞郵。改良人種盛世休。身見大同與天遊。祝君大搜遍九邱。

贈王鶴軒張一菴

山東曹州王瑞梅。哲理論治文武才。一見敬執弟子禮。爲易巾襪洗塵
埃。商量拍氏理想國。東方希臘新花開。餽鑪珍重無限意。爲汝思建汪
倫臺。張君道五特秀發。溫恭如玉洵妙哉。迎我逆旅作東道。讓牀分座
日追陪。行矣『小心事友生。』風塵不無人往來。勉造黃河新文運。廣
廈萬間仗羣材。

贈儲皖峯

北大文學系生、助余研離騷甚得其力、因余以屈原、「美政」作爲一種理想之超人、卽「哲俠」也、

皖峯秀出江淮英。抄詩和鳥共嚶鳴。精校古書巨眼明。起予芳草騷人

情。造「新超人」致太平。New Superman

尼采超人主義、克氏互助論首攻之、但克氏究仍是個平民的

超人、所以我想造理想的新超人、

高冠劍佩沐蘭英。滿堂美人相目成。含睇宜笑冰雪清。

朝暎晞髮濯長纓。願駕六龍遊帝閔。竦劍擁艾救婦嬰。「美政」實現
品物亨。廣反恨賦揚天聲。遠遊高舉返瑤京。排神馭氣升天行。永謝塵
寰學長生。

相逢行贈楊天育

廈門人

天育奇士美清揚。少年卓犖相吉祥。商遊江海泛南洋。芝高里俗道其
詳。距星洲四日其俗男女極自由萍水傾蓋香江旁。導玩平山陟絕岡。却話人世感滄桑。

稍帶悲秋騷客芳。萬金助友過若忘。仙骨俠膽性溫良。聞說大同志飛揚。論交能到左桃伯與羊哀。兒女性情英雄腸。善氣感人發天香。直心立地成佛堂。告我惠來有島荒。爲我宣傳遍八方。召農興工造舟航。集資闢地遠裏糧。立新夫餘遊羲皇。永辭濁世升天翔。我生半世閱人長。頓悟猛行惟子楊。勉旃行矣大道光。贈書一卷詩一章。并候貴友高女郎。好張坤化太平王。

十五年返滬樂天修養館并贈劉士木

計自十年春再如晉今秋始回也

我遊晉 粵 燕。秋月六成圓。鄰房都高大。小樹已參天。生平好幻觀。對此更茫然。拍雷圖行道。離鄉多少年。楊子廢婚宦。亦訪梁 王 前。我志在四海。安得守殘篇。賴有士 木 徒。檢護什物全。琴書猶宛在。小草亦芊綿。主

人今成客。天涯暫息肩。且溫席與突。再卜舟與船。

贈劉韻裳與索非

二人均年少、習互助學派、曾以宣傳無政主義入獄、索非以炸曹錕案入獄一年、後辦國風日報、

韻裳天真四海親。詩情佛性文有神。筆秉春秋不顧身。索非溫雅自由民。魂還地獄索非出獄、著地獄還魂記。爐火純。聞不平事義氣振。我佩史公評人倫。子房狀貌何恂恂！自古大俠如女人。

爲金君秉忱書得鄴中魏侯君碑事

鄴中豪傑如龍虎。鄴中死人成糞土。糞土中有金石刻。留供後代圖書府。奉天好事嗜古癖。萬元公購寶片羽。八碑六蓋移遼海。爭先拓臨誦石鼓。金君後到獨向隅。團體合贈得全部。遠友聞寶紛紛索。不翼而飛茹復吐。侯碑獨存魯靈光。抱碑過我訴其苦。我言請君觀物理。以因緣

散因緣聚。落花流水寄人間。過眼烟雲月停午。身世國土等虛空。了如鏡花不可取。死人墳墓生人田。些須得失何足數。與君今日且玩細字龍蛇趣。安知明日墓銘誰爲主？

贈吳孝侯

名庚鑫江都人、蘇省委來晉查自治、對於余所倡模範村、甚契意、

近讀蘇詩憶故鄉。那堪重話平山堂？二分月色今何似。秋早并州夜已霜。

模範新村啟古唐。靈泉洗出芰荷香。報恩滿得平生願。普種蓮華徧萬方。

題張相文

名蔚西泗陽人、

佛學地理志

時方幻海本無因。大患都緣執此身。五十三參成底事？虛空粉碎出微

塵。

誰造國都王會圖。寸山寸水萬頭顱。好將太子出家願。懺盡娑婆戰骨枯。

按圖憑弔與誰論。往返八千爲報恩。喜馬東西痕爪路。摩娑一度一銷魂。

震旦衰微印度亡。人間天上兩淒涼。因緣花月中華取花名、印度取月名、情何限？誓起金護輪象王。

贈周仲穆

名祥駿、睢寧人、雒文有膽略、富革命性、死于張勳之難、事前以其更生齋文稿託余印、余託友爲印、已而經民二變亂、稿亦亡、可

惜也、此詩乃初相交時之作、不覺二十餘年矣、

西楚有周生。豪氣鬱崢嶸。矯矯人中虎。出言淮岱驚。竊自比管葛。抵掌

夜論兵。沈深迷信力。獨斷矜孤行。聞吾演性海。道大賅八閎。破除功名念。發動慈悲情。金剛能繞指。始知百鍊精。別來幾何日。懷思秋潭清。昔夢見之。古今論縱橫。君試望前途。孤舟探滄溟。好摩霹靂手。共將乾坤擎。行着鄒魯南。破空天鼓聲。千秋萬世後。性海月同明。

約錄史梅卿女士墓銘

爲革命家喬宜齋夫人、在晉督署及各專校授英語、甚爲人信服、年三十病歿于太原、雲使躬殮

其尸、以大學校長省教育會長、各專校長、洗心社講長、及中外牧師、均送其柩至墓側、極一時之盛矣、喬囑予爲作墓誌、文太長、故約以韻文銘之、

上海史梅卿。磊落女中俠。英語音樂嫻。博愛善應接。相夫事革命。更創社會業。歷教專門校。懇摯收效捷。經營幼稚園。晉垣童化洽。我家旅太原。談讌深愉愜。俄焉蘭茝摧。文花失光燿。銘墓誌哀感。付與空王劫。

戲贈呂博文

同人與覺華詩社、推呂主其事、其夫人日本人也、聞社員有女士、乃阻呂不得出、故戲之、

休誇椽筆賦凌雲。翠袖風吹雅座分。從此南人不復反。始驚閩內有將軍。

阮母八十壽

王夔軒
公次女

我早失雙親。四大竟無主。自與阮弟契。恩情手足愈。阮母性慈祥。愛我猶生母。我乃南北人。南陔何日補。反將阮弟去。海涯粵江滸。忠孝各難論。國事正靡盬。賴有勁梅妹。侍養當門戶。母今幸健康。八旬杖不拄。課孫廣果園。指點羣芳譜。陸地無神仙。一家小淨土。亦莫話當年。五味自酸苦。我志在桃源。劉阮關洞府。母化洗甲兵。四海兄弟聚。世間終有別。恨無黃鶴羽。願廣報恩經。權作斑衣舞。

書楊啓祺母蘇太夫人事

合浦有楊母。清寡善持家。撫孤免飢寒。孝母歷歲華。更能償宿債。田宅日增加。子女皆成長。蘭桂秀奇葩。遊學作國器。豪友結天涯。聞說報恩法。執摯願拜嘉。應知天地間。報恩人之本。孝子愛白日。莫負桑榆晚。尤貴錫爾類。任重道何遠。蒿目人無家。努力撥亂反。移孝忠國務。新村大同建。少懷老皆安。濁世燦芳畹。我生愧臯魚。念茲心口蹇。持書告人子。用答君誠懇。

贈坤母李雲俠，并乞張師爲誦以却病

李生秀貞孝且賢。樸玉渾金氣骨堅。產自齊魯近聖緣。常自負山東爲聖地長飲江左基督泉。善養先母承愛憐。與我朝夕十五年。我雖居家如客邊。一事不管託全權。勤工略讀夜安眠。不慕紛華不愛錢。知足無餘免熬煎。內

外俱潔。二句其常述之耶訓有真妍。粗食猛健得心傳。救喪擒盜敢當前。時或薄怒

寡笑嬌。好勇過我代剛乾。字君雲俠固其然。衛生育兒供粥饘。希有勇

毅佛恩賢。坤化世界馨蕙荃。東遊蓬萊北晉燕。觀海登高窮山巔。中外

英哲多周旋。名自中山南海而外侍我說法萬座蓮。色空亦問維摩禪。地藏報恩

法華圓。耶回仙佛館樂天。新學託克自由篇。大同大義粗通詮。我創運

會墾荒田。下肥布種苗秀阡。花開果熟色味鮮。又如食蔗鑿井泉。漸入

佳境月上弦。時到功成非枉然。會得樂土關新塵。坤化泰平現埃田。人

如兒童國成天。無苦惟樂歌舞仙。遨遊飛升凌雲烟。魂夢解脫煩惱捐。

張師張爲師作證語非玄。君今何疾小豎纏。我家觀音手眼千。爲君吟詩

揮天鞭。妙音一震應霍然。花好人壽福慧圓。

喜妹婿阮明病愈

去來色相本來空。小住人間御劫風。莫遣維摩歸妙喜。離離廣果一天紅。

記阮明與妹勁梅在皖全營廣果園，約遊九華，訪李白青山墓跡。戎馬倉皇四海翻。君家尙有小桃源。淮南遙指情深處。花實離離廣果園。

回首前塵十一年。因緣劉阮說人天。比來瀟灑知何似？半是蓮臺半是仙。

金陵歷劫幾灰塵。慈母恩師久化身。李梅菴師已故兒女趨庭鬢髮白。那堪談往一沾巾。

小館著書號樂天。新靈詩句萬斛泉。逍遙自在隨緣了。阮弟又號了緣居士早能詩畫法海無邊現寶蓮。

報恩弘願在新村。老少安懷大道存。聞說九華神已往。爲邀地藏啓天門。

太白奇詩佛法華。性情祕寶握靈蛇。相期牛渚青山道。一訪謫仙看彩霞。

王生尙賢聞予將南歸

因請余全家赴大同、云將侍余養老送終焉、感而賦此、以告今之講師友一倫者、

魯連困危城。本亦無所求。時居京、馮奉久持、飛機朝朝來。鄰右化鬼啾。炸彈落地鄰人

死傷甚多、心雖寄天放。身未脫楚囚。將俟六月息。遵海事南游。王生畏我去。

至誠苦死留。願分宅以居。令我百無憂。養老及送終。一一供給周。雲俠

聞感泣。摯情不自由。生真知報恩。從我其仲由。不愧聖哲徒。古道照千秋。昔回父視孔。耶託母於薩樓。耶之愛徒。此乃真師友。生死共戚休。吾亦豈匏瓜？四方相厥攸。持此張友倫。大同之範疇。

憶張宗載

現張子軍
中佈佛道

中華佛化新青年。創造首推宗載先。龍虎玄黃哀下土。風雲呵護召諸天。鐵拳打破千年秘。妙舌廣開萬朶蓮。印度淪亡震旦老。何時花月見

團圓。

「華花」「印月」余一生
主中印聯邦興全亞也

誰言國土竟成空。絕代佳人起亞東。楚漢英雄推勝廣。佛陀威力仗天龍。開山定要金剛手。度世還吹楊柳風。彈雨鎗林君去也。蓮花色照血花紅。

送劉鳳鳴

法名仁宣、晉南人從余多年
學佛學村、深知報恩義、

代表余赴日本參與東亞佛教

大會。

扶桑古傳蓬萊島。幾人訪仙得妙道。爾生文殊道場。

晉汾西人

中東涉瀛洲

掇瑤草。我遊晉垣經五年。仁孝根器惟汝好。聞我說破人天哀。願化家

國解熱惱。夙慕江海烟雲奇。五十三參嘗大棗。遠接雅典柔美化。普建

新村彬文藻。代我出席與法會。餐霞壯觀海風浩。應知妙相無垢淨。大

窮諸天小芒杪。界界皆成曼陀羅。樹發和樂鳴化鳥。有如圖窮匕首現。

披盡霧障青天皎。最後乃登善住樓。空劫方數同時了。却來轉入衆生

界。春風吹處楊枝嫋。虛空不動列星運。金剛點破王水小。

化學王水可破一切堅金以喻

一句妙法蓮華經也、

飄海南行廣徧參。百重蒼波人縹渺。科學藝術工巧智。城郭

士女美窈窕。錦鱗奇花啓靈思。依善智識龍游沼。觀音大力普門現。回首文殊在雲表。

送寧達蘊回蜀

甲子孟冬作

吾交黃河豪。慷慨悲歌霜天高。吾交珠江雄。活潑冒險海國風。吾交長江彥。文采風流恣歡讌。中華地文兼三帶。陰美陽美滿赤縣。惟有巴蜀異人間。剛柔氣備似仙寰。文武道藝奇俠士。引領今古足開顏。蠶叢魚鳧何茫然。禹穴望帝不可攀。周漢以還英材蔚。文運升降此轉關。雪壓文君沽酒店。雲橫太白讀書山。相如子雲炳日星。坡老般若演詩禪。美人香草百世芳。沃我性靈妥食眠。民國肇造十餘載。轉機多隨川省緣。屈指吾友天下士。剛柔濟美推蜀賢。

余以所遊各省地人文較之、北方缺秀南方缺剛惟蜀兼剛柔二美、因山水備故

也。甯君從我遊。朝夕近一年。粹以中和。不狂不狷。縱論天人。體用俱全。爲我豔稱巫峽之奇。劍閣之險。峨眉之秀。長江之發源。珍禽嘉果。山經。蜀賦所未宣。峯迴港曲。幽洞秀谷。到處武陵疑神仙。令我徇恍惚游。五十三參普賢變相。聽啼猿而聞杜鵑。常與君論巴蜀方三千里。爲中國第一省。七千萬人民。當世界第一國。西望希臘多島。可建雅典村市。十百千。鐵道航空。溝通藏衛印度。而遊西天。倚喜瑪以長嘯。邈塵世之雲烟。實現俱盧淨土。天國埃田。玩春花兮長好。賞明月兮長圓。中華花也 印度月也君今還鄉可奈何。臨風惆悵歧路歌。吾道從此西。巫雲接岷峨。君若憶我時。惠汝新詩望月哦。我若思君時。夢君花發夾江沱。珍重來春重攜手。同觀太平洋鼓浪嶼之滄波。

贈吳化霖湖北兼憶「新羣進化社」及「坤化」同志

化霖學工又通玄。賣書傳道結少年。護我眷屬稱汝賢。緩急可恃游俠

篇。讀君題句題比翼集如飛仙。情詞幽渺福慧綿。張兄贊汝非偶然。「新羣

社」友散如烟。每憶熊君方綬夜不眠。吳君覺生夫婦去未旋。迢迢江海路

萬千。我自文殊道場還。靈感詩偈如奔泉。理想「哲俠」下九天。愛雲淚

雨洒山川。楊體墨用救顛連。莊理騷魂意邈綿。耶穌靈愛佛慧圓。生當

同樂死同捐。」君得芳鄰共摩研。朱家汝涵汝清汝滋老少可安全。勤工撫兒

執教鞭。辦平民女學化我劣童感心田。弘願直追武訓前。汝涵女士曾云效武訓乞緣辦學黃

友同活同俠情關「坤乾」。創立婦女職業學院屹立張女權。枕上思君筆底傳。

爲我慰問諸蘭荃。互助風雨好同船。訪證慈弟應具宣。

贈張明慈

逸思遠紹拍雷洞。Platon 俠助有如李藥師。好關東方成淨土。人間何似上天時？

題游韶斌張明慈比翼集

真幻文障重重。法音化鳥知何許。世間誰見維摩士女。談空論色拈花指月。移情卽性。幾人證取。憑緱山簫管。參差上下。奏鈞樂。諧鳳舞。一百六參故紙。閒葛藤寒巖爛石。春風吹處。千紅萬紫。無邊皆是。自在翱翔。飛行解脫。人天幻戲。待圓成福慧。虛空粉碎。不留一字。

右調寄水龍吟

寄臥雲女居士

雲南人。韶斌之姑且師也。明慈從學禪、幼學佛不嫁、亦不爲尼而辦女校、著有養機軒詩集、

海外蓬瀛山外山。天花飛散滿人間。桃源鷄犬今何似。月到中秋照漢
「關」

詞禪最羨尤西堂。大俠尼姑教隱娘。授與活人無上劍。三千闇夜放慈
光。

山西七載禮文殊。聖母泉流萬佛圖。昨夜醒獅金口啟。他方月裏有人
呼。

優曇一現三千年。萬樹紛飛化紫烟。此次娑婆轉淨土。廣長舌電召諸
天。

過石莊，買曹州木瓜數斤，留贈朋友

我游無行李。詩禪走天涯。却非頑木石。竹筒裝活蛇。性慕屈宋芳。紉蘭

沐若華。所至不空過。如露潤萬花。若遇有心人。投之以木瓜。

理想「哲人」社會

因觀戲與斌慈輒憶及此、囑慈遍記古書所狀各種人格、乃為此詩記之、子路問「成人」亦此意、此乃我神魂最後

之歸宿也、其「圓」即是佛耳、

我每觀坤戲。劣雄戲決無此境理想思「哲人。」其人靈美愛。溫恭淑善純。佳吉

良君子。信諒正直真。寬和柔雅逸。灑落如仙神。高超古淡遠。智慧圓且

仁。骨金質如玉。膽秋情似春。滋蘭樹芳蕙。種桃武陵津。咳唾生珠璣。解

脫無貪嗔。天風散瑤花。鳴鳳遊麒麟。伊人竟何在。葭蒹問水濱。上帝已

死了。God was died. wells 須創「新鴻鈞」門德格爾通。(Mendel, Galton均人

種改造學家)優種造新民。星球大通婚。天仙誕哲人。



民國十七年仲春初版

師友觀詩卷十一定價紙裝大洋一角六分

著者 劉仁航 靈華

上海法界西門路仁吉里二十七號

天養 李雲俠 女 士 館

張明慈 游韶 斌

顧作則 儲皖 峯

上海開北天主堂後面

友文 印刷所

鴻吉坊一弄一家

寄售處 各埠各大書坊

版權所有

樂天却病詩小冊價目列下

動物觀 一角六分 坤乾觀 二角七分

夢觀 一角一分 社會觀 六九分

學海觀 九二角二分 報恩觀 十一角一分

美豔觀 十三一角二分 桃源友聲集 十四二角

自然觀 三角一分

歷史觀 七一角一分 新村觀 八一角四分

師友觀 十二角二分 詩化觀 十二角一分

玄化觀 四一角三分

上海圖書館藏書



A541 212 0001 2054B

~~667e J~~